

সিড্নী নাট্যমের সাংস্কৃতিক সম্ভ্যা

কর্ণফুলীর মিনি প্রতিবেদন

গত ২০শে মে সিড্নী টাউন হলে অনুষ্ঠিত হল সিড্নী নাট্যম আয়োজিত বাংলাদেশ সাংস্কৃতিক সম্ভ্যা। অনুষ্ঠানটির সার্বিক ব্যবস্থাপনায় ছিলেন রঞ্জল আহমেদ সওদাগর, ডাঃ আবদুল ওয়াহাব, সালেহ ইবনে রসুল আর পরিকল্পনা ও পরিচালনায় ছিলেন বেল্লাল হোসেন ঢালী। এই অনুষ্ঠানে বিশেষ অতিথি হিসেবে উপস্থিত ছিলেন ঢাকা থেকে আগত সাংগৃণ্ড গ্রন্থের ম্যানেজিং ডিরেক্টর এবং ‘ফ্যাশন এন্ড গ্ল্যামার’ নামক পত্রিকার সম্পাদক প্রকাশক জনাব মোজাহের উদ্দিন চৌধুরী এবং বিশিষ্ট নাট্যকার জিনাত হাকিম।

অনুষ্ঠান বিকেল ৫টায় শুরু হওয়ার কথা থাকলেও শুরু হয় পাক্কা এক ঘন্টা দেরীতে। প্রথমেই আয়োজকদের পক্ষ থেকে অনুষ্ঠান শুরু হতে দেরী হওয়ার জন্য ক্ষমা চাওয়া হয়, এর পর সাদর সম্মান ও মিনি বক্তব্য পেশ করা হয়। কিছু সময় বিরতির পর পরিবেশিত হয় বেল্লাল হোসেন ঢালী রচিত নাটক “আদম খানা”। অভিনয়ে ঢাকা থেকে আগত আজিজুল হাকিম, শাহরিয়ার নাজিম জয়, রূমানা এবং স্থানীয় শিল্পী সালেহ ইবনে রসুল, রহমত উল্লাহ, আরিফ খান, মোঃ কাইয়ুম, মতিন, নিহাদ, জহির ও আরও অনেকে। হাস্য রসাত্মক এই নাটকটি দর্শক যথেষ্ট উপভোগ করেছে।

এর পর ২০ মিনিটের বিরতির পর জয় ও রূমানার নৃত্য দিয়ে শুরু হয় অনুষ্ঠানের দ্বিতীয় পর্ব। মধ্যে আবির্ভাব ঘটে বর্তমান প্রজন্মের জনপ্রিয় শিল্পী আসিফ আকবরের। নানা ধরণের গান গেয়ে তিনি মাতিয়ে রাখেন দর্শক শ্রোতাদের।

অনুষ্ঠানের ছবির জন্যে এখানে টোকা মাঝন

অনুষ্ঠানের সর্বশেষ আয়োজন এ সময়ের সাড়া জাগানো কর্তৃশিল্পী মমতাজের গান। বলাবাহ্ল্য দেশ, মাটি, মা এবং লোকজ কথা ও সুরে সমগ্র অনুষ্ঠানের অবয়ব পালটে যায়। গান পাগল সিড্নীতে বসবাসরত বাঙালীরা মাতোয়ারা হয়ে উঠে কথা ও সুরের ঝংকারে। এক সময় শেষ হয়ে আসে অনুষ্ঠানের নির্ধারিত সময়। শেষ পর্বে পুরস্কার বিতরণী। এক পর্যায়ে জন নন্দিত কর্তৃশিল্পী মমতাজকে পুরস্কার প্রদানের জন্য কর্ণফুলীর প্রধান সাম্পানওয়ালা জনাব বনি আমিনকে মধ্যে আহ্বান করা হয়।

সমগ্র অনুষ্ঠানটিকে সফল করে তোলার বিষয়ে সিড্নী নাট্যমের প্রচেষ্টা ও আন্তরিকতার কোন অভাব ছিলনা। ইতপূর্বেও এই সংগঠনটি নিজেদের লাভ ক্ষতির তোয়াক্তা না করে সিড্নীতে অনেক আকর্ষণীয় অনুষ্ঠানের আয়োজন করে। আশা করি ভবিষ্যতেও এই সংগঠনটি বৈচিত্রময় অনুষ্ঠান উপহার দিয়ে তাদের সাংস্কৃতিক কর্মকান্ডের ব্যাপক প্রসার ঘটাবে। তাদের এই অগ্রিয়াত্মা অব্যাহত থাকুক কামনা করছে সিডনী প্রবাসী সকল বাংলাদেশী।

রিপোর্টটি তৈরি করেছেন: জামিল হাসান সুজন

অনুষ্ঠানের ছবির জন্যে এখানে টোকা মাঝন